

**বাংলাদেশ চা শ্রমিক কল্যাণ তহবিল এর আওতায় ২০২০-২০২১ অর্থবছরে শিক্ষা অনুদান, কন্যা বিবাহ অনুদান ও বিশেষ কল্যাণ অনুদানের (রক্ত পরিসঞ্চালনসহ চিকিৎসা, চিকিৎসকের পরামর্শ অনুযায়ী চশমা, দাফন বা অন্ত্যেষ্টিক্রিয়া)’র জন্য আবেদনপত্র দাখিলের শর্তাবলি:-**

- ১। বাংলাদেশ চা শ্রমিক কল্যাণ তহবিল এর আওতায় ২০২০-২০২১ অর্থবছরে শিক্ষা অনুদানের জন্য [২০১৯ (২০১৭-১৮ শিক্ষাবর্ষ) ও ২০২০ (২০১৮-১৯ শিক্ষাবর্ষ) খ্রিস্টাব্দে এসএসসি (SSC)-তে উত্তীর্ণ অথবা [২০১৮ (২০১৬-১৭ শিক্ষাবর্ষ), ২০১৯ (২০১৭-১৮ শিক্ষাবর্ষ) ও ২০২০ (২০১৮-১৯ শিক্ষাবর্ষ) খ্রিস্টাব্দে এইচএসসি (HSC)-তে উত্তীর্ণ], ২০২০ খ্রিস্টাব্দে সম্পন্ন হওয়া কন্যা বিবাহ অনুদান এবং ২০২০ খ্রিস্টাব্দের বিশেষ কল্যাণ অনুদানের (রক্ত পরিসঞ্চালনসহ চিকিৎসা, চিকিৎসকের পরামর্শ অনুযায়ী চশমা এবং দাফন বা অন্ত্যেষ্টিক্রিয়া) জন্য স্থায়ী চা শ্রমিক এবং চা বাগানে কর্মরত স্থায়ী কর্মচারীদের পোষ্যরা কেবলমাত্র আবেদন করতে পারবে।
- ২। SSC এবং HSC উত্তীর্ণ শিক্ষার্থীরা যাদের প্রাপ্ত সিজিপিএ কমপক্ষে ৩.৫০ কেবল তারাই আবেদন দাখিল করতে পারবে। আবেদনপত্রের সঙ্গে বোর্ড প্রদত্ত মার্কশিট এবং পরীক্ষা পাশের সত্যায়িত সনদপত্র ও বর্তমানে যে প্রতিষ্ঠানে অধ্যয়নরত সেই শিক্ষা প্রতিষ্ঠানের প্রধানের নিকট থেকে অধ্যয়নের প্রত্যয়নপত্র অবশ্যই দাখিল করতে হবে।
- ৩। সকল আবেদনপত্র যথাযথভাবে পূরণ করে পাসপোর্ট সাইজের ২ কপি সত্যায়িত ছবিসহ জমা দিতে হবে। নির্ধারিত ফরম ছাড়া অন্য কোন আবেদনপত্র গ্রহণযোগ্য নয়। নিজ এলাকায় ইউপি/পৌরসভা চেয়ারম্যান অথবা প্রথম শ্রেণীর গেজেটেড সরকারী কর্মকর্তা ব্যতীত অন্যদের সত্যায়ন গ্রহণযোগ্য নয়। অসম্পূর্ণ আবেদনপত্র বাতিল বলে গণ্য করা হবে। আবেদনপত্রের সঙ্গে অসম্পূর্ণ/অসত্য/জাল সনদ দাখিল করা হলে আইনানুগ ব্যবস্থা গ্রহণ করা হবে।
- ৪। আবেদনকারী ছাত্র-ছাত্রীদের স্বহস্তে আবেদন পত্রের ফরম নির্ভুলভাবে (ঘষামাজা, কাটাছেড়া ব্যতিরেকে) পূরণ করে দাখিল করতে হবে। অন্যের হাতে, টাইপ মেশিন বা কম্পিউটারে পূরণকৃত আবেদনপত্র বিবেচনা করা হবে না।
- ৫। প্রয়োজনে অনুদানের জন্য মনোনীত আবেদনকারীগণ লিখিত বা মৌখিক পরীক্ষায় অবতীর্ণ হতে বাধ্য থাকবে।
- ৬। প্রদত্ত মার্কশিট, সনদপত্র ও অন্যান্য প্রমাণাদিতে কোন রকম জালিয়াতির প্রমাণ পাওয়া গেলে/আবেদনপত্রের কলামসমূহ যথাযথভাবে পূরণ করা না হলে/ সাদা কাগজে কোন প্রত্যয়নপত্র বা নম্বরপত্র প্রদান করা হলে আবেদনপত্র বাতিল বলে গণ্য হবে এবং ভবিষ্যতে চা শ্রমিক কল্যাণ তহবিল হতে অনুদানসহ কোন প্রকার অনুদান/সাহায্য প্রদানের বিষয়ে বিবেচনা করা হবে না।
- ৭। কোন অবস্থায়ই অসম্পূর্ণ আবেদনপত্র বিবেচনা করা হবে না। অনিয়মিত ছাত্র/ছাত্রী এবং “বিশেষ পাশ” ছাত্রছাত্রীদের আবেদন করার প্রয়োজন নেই।
- ৮। অনুদানের (শিক্ষা/কন্যা বিবাহ/ বিশেষ কল্যাণ) আবেদনপত্র পেশ করা হলেই ‘অনুদান’ পাওয়া যাবে, বাংলাদেশ চা শ্রমিক কল্যাণ তহবিল এই মর্মে কোন নিশ্চয়তা প্রদান করে না। আবেদনপত্র যাচাই-বাছাই কমিটি কর্তৃক প্রাপ্ত আবেদনপত্র সমূহ যথাযথভাবে যাচাই ও বাছাই এবং বাজেট বরাদ্দ অনুসারে কমিটি কর্তৃক সুপারিশকৃত শিক্ষার্থী/স্থায়ী শ্রমিক কে চা শ্রমিক কল্যাণ তহবিল পরিচালনা বোর্ডের অনুমোদন সাপেক্ষে অনুদান প্রদান করা হবে। এ ব্যাপারে অনুদান প্রদানের আগে বা পরে কোন সুপারিশ অনাকাঙ্ক্ষিত এবং তা গ্রহণযোগ্য নয়। এ ক্ষেত্রে যাচাই-বাছাই কমিটির সিদ্ধান্তই চূড়ান্ত বলে বিবেচিত হবে।
- ৯। আবেদনকারীর আবেদন অনুদানের জন্য বিবেচিত হলে কেবল তাকেই সংশ্লিষ্ট বাগান ব্যবস্থাপকের মাধ্যমে অনুদানের অর্থ প্রদান করা হবে। তার পক্ষে পিতা/মাতা/ভরণপোষণকারী অন্য কাউকে অনুদান অর্থ প্রদান করা হবে না। অনুদানের ক্ষেত্রে মৃত্যুজনিত বা আবেদন করার পর অধ্যয়ন স্থগিত করে দিয়েছে, এমন প্রমাণ পাওয়া গেলে অনুদানের অর্থ প্রদান করা হবে না।
- ১০। সকল অনুদানের জন্য একই পরিবার থেকে একাধিক আবেদনপত্র পাওয়া গেলে ঐ পরিবারের যোগ্যতম একজনকেই কমিটি বিবেচনা করবে। একই পরিবারে একের অধিক অনুদান প্রদান করা হবে না।
- ১১। ‘চ’ অনুচ্ছেদে বর্ণিত “অনুদান” বলতে শিক্ষা, কন্যা বিবাহ এবং ‘বিশেষ কল্যাণ অনুদান’ (রক্ত পরিসঞ্চালনসহ চিকিৎসা/চশমা ক্রয়/ দাফন বা অন্ত্যেষ্টিক্রিয়া) (আইন ও প্রবিধানমালা অনুযায়ী) বুঝাবে।

- ১২। ‘১১’ অনুচ্ছেদে বর্ণিত ‘কন্যা বিবাহ’ অনুদানের জন্য আবেদন পত্রসমূহ বাগান পঞ্চায়েত ও সংশ্লিষ্ট বাগান ব্যবস্থাপক কর্তৃক বিয়ে হয়েছে এই মর্মে প্রত্যয়ন পত্র আবেদন পত্রের সাথে অবশ্যই সংযুক্ত করতে হবে।
- ১৩। ‘১১’ অনুচ্ছেদে বর্ণিত ‘বিশেষ কল্যাণ অনুদান’ অনুদানের ক্ষেত্রে সংশ্লিষ্ট বিষয়ে অবশ্যই বাগানের চিকিৎসা কর্মকর্তার সুস্পষ্ট মতামত প্রত্যয়ন পত্রে উল্লেখ থাকতে হবে, যা বাগান ব্যবস্থাপক কর্তৃক প্রতি স্বাক্ষরিত হবে এবং প্রত্যেক আবেদনের সাথে আবেদনকারীকে ঘটনার সত্যতা নিশ্চিত করতে উদ্দেশ্যের সপক্ষে প্রয়োজনীয় সুপারিশপত্র ও কাগজপত্রাদি সংযুক্ত করতে হবে।
- ১৪। ‘শিক্ষা’ ‘কন্যা বিবাহ’ এবং ‘বিশেষ কল্যাণ অনুদান’ অনুদান প্রদানের ক্ষেত্রে যাচাই-বাছাই কমিটি বাজেট বরাদ্দ অনুসারে প্রার্থীর মেধাক্রম/বর্তমান অবস্থাকে বিবেচনায় রেখে অনুদানের জন্য সুপারিশ করবেন এবং সে অনুসারে পরিচালনা বোর্ডের অনুমোদন সাপেক্ষে নির্ধারিত হারে অনুদান প্রদান করা হবে।

উল্লেখ থাকে যে, সর্বক্ষেত্রে বাংলাদেশ চা শ্রমিক কল্যাণ তহবিল পরিচালনা বোর্ডের সিদ্ধান্তই চূড়ান্ত বলে গণ্য হবে।

**বি: দ্র:**

- বাংলাদেশ চা শ্রমিক কল্যাণ তহবিল আইন বাংলাদেশের চা বাগানে কর্মরত সকল স্থায়ী চা শ্রমিকের ক্ষেত্রে প্রযোজ্য হইবে।
- বাংলাদেশ চা শ্রমিক কল্যাণ তহবিল আইন অনুযায়ী ‘পরিবার’ বলিতে;
  - ক) কোন পুরুষ শ্রমিকের ক্ষেত্রে, তাহার স্ত্রী বা স্ত্রীগণ, এবং মহিলা শ্রমিকের ক্ষেত্রে তাহার স্বামী,
  - খ) কোন শ্রমিকের অনূর্ধ্ব ১৮ (আঠারো) বৎসর বয়সের বৈধ ও সৎ সন্তানগণ;
  - গ) কোন শ্রমিকের সহিত একত্রে বসবাসরত ও তাহার উপর সম্পূর্ণ নির্ভরশীল ১৮ (আঠারো) বৎসরের উর্ধ্ব বয়সের বৈধ ও সৎ সন্তানগণ; এবং
  - ঘ) কোন শ্রমিকের সহিত একত্রে বসবাসরত ও তাহার উপর নির্ভরশীল পিতা-মাতা, ভগ্নী, ভ্রাতা, পিতামহ, পিতামহী, মতামহ, মাতামহী, পৌত্র, পৌত্রী, দৌহিত্র এবং দৌহিত্রীগণ।